

Bi 2015 Daengx Gih Cuengh Gun Song Vah Saw Yozcenz Lauxsae Saw-cuengh Gihcuj Cihsiz Beizyinbanh Geiz Daih'it Youq Vanzgyangh Hai Ban

2015 年全区壮汉双语学前教师壮文基础知识第一期培训班在环江开班



▲Beizyinbanh hai ban yienhciegz.



▲ Gvangjsih Minzcuz Gyauyuz Fazcanj Cunghsinh yizsinj Lingz Hinghningz hawj yozyenz hwnjdangz.



▲ Gvangjsih Sawcuengh Yozyau fuyaucangj, gauhgiz gyangjswh Moz Gwzli hawj yozyenz hwnjdangz.

Bonjbauq siusik (gicej Veiz Yennaz/韦愿娜) Vihliux daezsang Cuengh Gun song vah saw sonhag yozcenz lauxsae conhyez suijbingz, bang Cuengh Gun song vah saw youwzyenz beizyangj boux lauxsae habgek Cuengh Gun song vah saw haenx, 4 nyied 22 hauh daengz 26 hauh, bi 2015 daengx gih Cuengh Gun song vah saw yozcenz lauxsae Sawcuengh gihcuj cihsiz beizyinbanh geiz daih'it youq Vanzgyangh Mauznancuz Swciyen gawjbanh, aen ban beizyin neix dwg youz Swcigih Gyauyuzdingh cawjbanh, Gvangjsih Sawcuengh Yozyau ciepbanh. Hozciz Si 17 aen Cuengh Gun song vah saw siujyoz haenx gungh miz 34 boux lauxsae yozcenzbanh camgya beizyin.

Baez beizyin neix, beizyin neiyungz dwg Sawcuengh singmeh yinhmeh caeuq Sawcuengh sawloih gihcuj cihsiz; beizyin fuengsik daegbied moqsag, boux lauxhangz youq gwnz dangz son saw sat le, lij roengz daiz daeuq yienhciegz sonyinx gyoengq yozyenz. Gvangjsih Minzcuz Gyauyuz Fazcanj Cungh-

sinh yizsinj Lingz Hinghningz, Gvangjsih Sawcuengh Yozyau fuyaucangj, gauhgiz gyangjswh Moz Gwzli, Gvangjsih Sawcuengh Yozyau gyangjswh Nungz Cinfung fucwz hawj yozyenz hwnjdangz. Gyoengq yozyenz bouxboux cungj nyinhcaen hagsib, roengzsim hag ndei Sawcuengh, dauqbae hagdangz le, dawz hag ndaej gij cihsiz Sawcuengh son hawj hagseng swhgeij.


Lingz Hinghningz yizsinj youq gwnz dangz gyangico 《Fuengfap Son Lwngnyez Youwzyenz Hag Sawcuengh》seiz naeuz, youwzyenz dwg aen dieg lwngnyez ndangcangq hungmaj ndeu, de cujyau dwg son lwngnyez hag baenz sibgvenq ndei, hag rox saeh swhgeij aeu sawhgeij gag guh, rox souj gvicaek, rox gaenx doengh uk, beizyangj lwngnyez hagsib naengzlig. Son lwngnyez youwzyenz hag Sawcuengh, mbouj ndaej lumj son siujhagseng nei, heuh lwngnyez noix guhcaemz, lai doeg saw, aeu doeg saw guhgoek. Yienghneix guh, ndaej sawj lwngnyez caengz haeujhag couh mbwq hag, gamhanh caizganq lwngnyez cienzmienh fazcanj. Ndigah,

lauxsae youwzyenz aeu rox lwngnyez hagsib daegdiemj, ndaej doenggvaq guh'angq daeuq nyinh cihmeh yinhmeh. Lwngnyez youwzyenz dwg yungh "hengzguh" daeuq naemj saeh, baengh "roxnaj" daeuq hagsib.

Moz Gwzli lauxsae hwnj goq gihcuj cihsiz liux le, lij hawj gyoengq yozyenz gangj le gij cihsiz Sawcuengh suijbingz gaujsi caeuq minzcuz vwnzva haeuj hagdangz haenx, sawj gyoengq yozyenz engq-gya rox daengz gij yiyi youqgaenj caeuq cozyung Cuengh Gun song vah saw sonhag haenx.

Gvangjsih Sawcuengh Yozyau yinhyo lauxsae Cinz Cwnghuz, leihyungh seiz yietnaiq bae daengz aen hagdangz Cuengh Gun song vah saw—Yinzhoz Siujyoz, sonyinx gij hong minzcuz vwnzva haeuj hagdangz, ndaej daengz saeseng angqcoux caeuq haenhndei.

Ciuq Swcigih Gyauyuzdingh naeuz, bineix, Swcigih Gyauyuzdingh yaek banh 4 geiz daengx gih Cuengh Gun song vah saw yozcenz lauxsae Sawcuengh gihcuj cihsiz beizyinbanh.



▲ Gvangjsih Swcuengh Yoz-yau gyangjswh Nungz Cinfung hawj yozyenz hwnjdangz.



▲ Gvangjsih Sawcuengh Yoz-yau yinhyo lauxsae Cinz Cwnghuz youq Yinzhoz Siujyoz sonyinx hong minzcuz vwnzva haeuj hagdangz.



▲ Gyoengq yozyenz nyinh-caen riengz lauxsae doeg singmeh.



▲ Yinzhoz Siujyoz hagseng diuq foux gingqlaeuj Bouxcuengh.



◀ Baen cuj hagsib dauqlun, gyoengq yozyenz haengihei q fazyenz.



▲ Duh'anh Gyanghbingz Siujyoz lauxsae Veiz Siugenh hoizdap lauxsae daezcam.



▶ Boux banhcangj Cinz Yezsu hoizdap lauxsae daezcam.